


明清以來公藏書目彙刊

本社古籍影印室 輯 北京圖書館出版社

45






明清以來公藏書目

彙

本社古籍影印室 輯 北京圖書館出版社
MINGQING YILAI GONGCANG
SHUMU HUKAN

45

刊



古越藏書樓書目

古越藏書
日

陽湖汪洵署檢



新勝玉成書林



光緒三十年十月

崇實書局石印

人才之興必由學問學問之立端賴讀書蓋聞見廣斯智巧出服習久斯研究精也我朝右文稽古卓越前代純廟以天亶聖聰啟迪天下士民嚮學之塗特建文宗文匯文淵三閣儲祕藉以惠來學其時文明之化如雲興波涌四溢於幅員旁薄布濩而無外西關新疆而回部效順南定大小金川而緬越讐懷懿鏢哉何其盛歟近數十年來環球各國市舶雲集聘使交通采風問俗徧及海外探知五大洲萬國盛衰強弱之由罔不視文教之興廢以為準益恍然於聖祖神宗所以樹國家萬年不拔之基者深識遠慮固非海島羣雄所能外此而別圖遠略也所可惜者沿厯日久漸成具文海外列邦轉熟審天演物競優勝劣敗之政各出其全力相爭莫肯相下法國巴黎書樓藏書至二百零七萬三千卷英國倫敦博物院書樓藏書一百十二萬卷俄國彼得堡書樓藏書一百零四萬五千卷德國麻尼希城書樓藏書八十一萬卷而奧國維也納書

樓丹國哥本海書樓美國華盛頓書樓比國勃羅塞爾書樓藏書亦皆數十萬卷且聞法國巴黎書樓書架積長十八英里英國博物院書樓書架積長三十二英里歲入樓觀書者約九萬一千人日本明治維新仿效西政亦不遺餘力其舊幕府之紅葉山文庫昌平學文庫初移為淺草文庫後集諸藩學校書網羅內外物品皆移儲上野公園稱圖書館藏書亦數十萬卷歲入樓觀書者亦不下數萬人文學蒸蒸日上其獲與歐美列強並峙也豈無故哉方今 朝廷孜孜求治迭奉 諭旨廣興學校東南諸行省集資建藏書樓者已接踵而起樹蘭自維綿薄平日購藏書籍雖僅七萬餘卷竊願公諸同好於郡城西偏購地建樓為藏書觀書之所並酌擬章程歲需經費亦由自捐請諸疆吏上聞於 朝以垂永久明知疏濬之水不足慰望洋之嘆區區此志猶望後之君子匡其不逮或由此擴充則為山九仞亦一簣之基也光緒二十八年歲壬寅四月會稽徐樹蘭識

一品封職鹽運使銜補用道候選知府徐樹蘭呈

為呈明捐建紹郡古越藏書樓懇請

奏咨立案事竊維國勢之強弱繫人才之盛衰人才之盛衰視學識之博陋涉獵多則見理明器識闊則處事審是以環球各邦國勢盛衰之故每以識字人數多寡為衡方今

朝廷孜孜求治迭奉

諭旨廣設學校此誠興賢育材正本清源之至計也近來各省府縣次第設立學堂急公好義之士亦多捐資補助職前於光緒二十三年籌辦紹郡中西學堂創捐銀壹千圓妥擬章程以開風氣現已歸併紹興府學堂為第一學堂教授學生每學不過數十人或百數十人額有限制勢難廣被而好學之士半屬寒畯購書既苦於無資入學又格於定例趨向雖殷講求無策坐是孤陋寡聞無所成就者不知凡幾伏念

高宗純皇帝特設

文宗

文匯

文淵三閣備度秘籍津逮後學由是江浙人文甲於天下成效昭然泰西各國講求教育輒以藏書樓與學堂相輔而行都會之地學校既多又必建樓藏書資人觀覽英法俄德諸國收藏書籍之館均不下數百處倫敦博物院之書樓藏書之富甲於環球一切有用之圖書報章亦均分門藏弄閱書者通年至十餘萬人日本明治維新以來以舊幕府之紅葉山文庫昌平學文庫初移為淺草文庫後集諸藩學校書網羅內外物品皆移之上野公園稱圖書館聽任衆庶觀覽其餘官私書籍館亦數十處藏書皆數十萬卷一時文學蒸蒸日上國勢日強良有以也近來東南各省集資建設藏書樓者亦復接踵而起紹興統轄八縣綴學之士實繁有徒當此

科舉更章之際講求實學每苦無書職不揣棉薄謹捐銀八千六百餘兩於郡城西偏購地一畝六分鳩工營造名曰古越藏書樓以為藏書之所參酌東西各國規制擬議章程以家藏經史大部及一切有用之書悉數捐入延聘通人分門排比所有近來譯本新書以及圖書標本雅馴報章亦復購備共用銀二萬三千五百六十餘兩大凡藏書七萬餘千卷編目三十五卷建屋凡四層前三層皆係高樓分藏書籍以中層之廳事為閱書所卓椅器物皆備綜共用銀三萬二千九百六十餘兩又每年助洋一千元禮延監督一人總董其事司事三人分司其書規模粗具以備閩郡人士之觀摩以為府縣學堂之輔翼所需開辦經費銀三萬二千九百六十餘兩及常年經費每年捐洋一千元均由職自行捐備當此開辦之初事關閩郡自應呈請

奏咨立案以垂永久所有擬設紹郡古越藏書樓緣由理合繕具書目章程

照繪屋圖呈請

大公祖大人俯賜登核

奏咨立案施行實為德便再職係體念時艱為造就人才之一助經費均係
自行捐備應請免造報銷合併聲明除呈明紹興府縣核轉備案外謹呈
計呈章程一本書目六本樓圖一冊

翰林院編脩馬傳煦等呈

為故紳捐建古越藏書樓以開風氣而宏教育功在藝林公同額懇

奏獎事竊照已故郡紳一品封花翎鹽運使銜補用道候選知府徐樹蘭獨捐銀三萬二千九百餘兩創建古越藏書樓並籌備經費每年捐洋一千元業經該故紳繪圖造冊呈明

大公祖大人察核奏咨在案該故紳具呈後旋即遘疾不起傳煦等居同里閑確有見聞溯其生平行誼今即倡建書樓一端有不能已於言者緣該故紳家僅中資審時勵志孝友慈惠見義勇為紹郡自遭兵燹百廢待舉該故紳敬承母命捐貲增築捍海長隄一萬丈惠庇沙民事聞奉

旨旌表餘如籌辦積穀經費備荒經費倡建嵎縣清節堂助脩三江大閘光緒十一年法釐辦防該故紳奉

劉前撫院飭籌經費倡辦酒捐得銀六萬釀戶不以為病遂開今日酒捐

之光路惠周桑梓又復遐推昔年晉豫大饑東南倡辦義賑該故紳首先倡捐千金勸集七萬數千金遂開越中義賑風氣至今相承弗替此皆該故紳之行誼卓卓無待傳照等臚陳無不稱道之而佩服之也傳照等所尤為心折者光緒甲午後

朝命兼采中西實學倡設學堂該故紳聞風感奮熟商傳照等倡捐鉅款擬借豫倉設立紹郡中西學堂延訪中西教習務以忠愛誠懇為主禮聘督課生徒兼及譯學算學化學成效漸著事變突來各處擬設學堂多有作輟該故紳獨堅持弗懈至上年紹郡遵

旨應設中西學堂該故紳即將所設學堂歸併公溥為心士林欽服而該故紳歛然自視苦慮深思以士類衆多學堂不能不定額以為限制多士何所取資於是倡建書樓之志遍訪東西規制不惜費用搜羅圖籍時未一年費逾鉅萬既得書七萬數千卷即捐金於郡城西偏購地建屋剋期告

成商之同志擬名古越藏書樓訂定章程其常年經費欲置產取息以給
力尚未逮仍由該故紳按照章程每年捐給洋一千元蓋至書樓告成而
該故紳之心力交瘁矣該故紳向自住樓經理感疾仍不稍懈本年五月
初十日病篤彌留邀集傳煦等出示呈稿章程革命其子直隸補用道爾
穀等擬捐常年經費每年洋一千元仍即照捐言畢瞑目其子直隸補用
道爾穀等恪守遺命遵照稟定章程通告傳煦等一切照常辦理謹候
奏咨俾資經久傳煦等倍深感佩之忱用矢表揚之願伏查定例士民捐助
地方善舉銀數在一千兩以上者例得

奏獎旌表今該故紳捐建古越藏書樓開辦經費銀三萬二千九百餘兩常
年經費每年洋一千元為數既鉅裨益綽郡地方士子似並為江浙兩省
倡首功在藝林合無仰懇

大公祖大人俯賜增奏將已故一品封花翎鹽運使銜補用道候選知府徐

樹蘭量乞

恩施獎勵以昭激勸而順輿情出自

鈞裁除呈紹興府縣備案核轉外謹呈

浙江巡撫任片

再據紹興紳士翰林院編修馬傳煦詹事府右春坊右贊善鮑臨江蘇候補道阮祖棠等聯名呈稱已故郡紳一品封藍運使銜補用道候選知府徐樹蘭前於二十一年捐款倡設紹郡中西學堂至上年遵

旨改設中學堂因即歸併辦理事半功倍士論翕然復以寒畯無力購書於府

城西偏建立藏書樓捐置經籍史部及近日譯本新書中外圖書報章凡七萬數千卷以脩士子觀覽並擬置產取息以為常年經費會事未成而歿其子直隸補用道徐爾穀踵繼前規竭力經理計建屋購書置器共用銀三萬三千餘兩又每年認捐洋一千元以資應用茲將章程書目呈請奏咨立案前來臣維講求實學必當博覽群書近日東西各邦每於都會偏立藏書之府資人觀覽與學堂相輔而行徐爾穀仰承先志購藏書籍至七萬餘卷之多實足津逮藝林裨補教化查各省士民捐辦善舉有益